




C'est remarquable par la vigueur de la
remontrance et par l'originalité du style
qui rappelle à Montaigne

Note de M. Leber n° 4196.

Cette pièce est rare; elle doit entrer dans la
composition des recueils fautes **composés**
l'imitation de celui qui avait été formé par
le Baron de Hohendorff (v. Lalou n° 19941)
et dont il se trouve deux exemplaires dans la
bib. de M. Leber n° 4196 et 4197.







LE
BON NAVARRIOS
AVX PIEDS DV ROY.

M. DC. XV.

THE NEWBERRY
LIBRARY

Case
F

39

.326

1415 bon

VX DC XA

3
LE BON NAVAROIS AUX
PIEDS DV ROY.

SIRE,

nous apprenons par la reuolution des temps & des aage, que toutes choses par l'inclination de leur nature sont sujettes a leur contraire, soit a bien ou a mal, & mesmes qu'estant le plus souuent sur le point de leur perfection, & arriuées au plus haut periode de leur estre, sont tout a l'instant destruićtes & corrópuës par les accidens violés qui y suruiennét par faute de bonne preuoyance & administration de bons remedes: de cela, Sire, l'exemple vous en est tout ressent par ce grád Roy; ce braue Henry vostre genereux Pere, qui a la verité auoit mis la gloire de c'est Estat a vn si haut point d'honneur & de reputation, qu'il faisoit ombres aux plus grandes clatez du monde! Mais ce Bazan-
né: cest ennemy iuré de vostre grandeur à qui on vous veut allier, ne pouuant sup-

2

porter l'esclat d'un si beau Soleil: & n'ayant le courage de nous attaquier par les voyes d'honneur qui nous ont tousiours esté glorieuses contre luy par la valeur de nos espees, a eu recours aux trahysons & assassinats, armes ordinaires des l'asches, & a estimé que pour triompher sans espancher son sang des despouilles de ce puissant Estat, qu'il failloit exterminer ceste genereuse famille des BOVRBONS, d'autant qu'il croit que ceste Empire sera gouverné par quelque vn de ceste Prosapie qu'il aura tousiours la main du Ciel, comme l'Empire des Græcs fut au courant de sa felicité tant qu'il eut quelque vn de la race des Eacides, & pour facilliter l'issuë de son lasche dessein, il a, ce malicieux, par l'entremise des mains infidèles que ie vous nommeray, mis a mort vostre Pere en vn temps mesmemét qu'il vouloit iouïr au boutte-hors avec tous les Roys de la terre, voulant faire comme l'Aigle, qui pour deuorer la proye commence par les yeux, & comme le venin,

qui voulant perdre & destruire le corps luy dōne droit au cœur: & depuis battissant tousiours sur ce malheureux dessein, il luy a fait esperer que comme le Dauphin estonné de quelque grand bruiet se laisse facillemēt surprendre, qu'aussi vous, Sire, qui esties lors nostre Dauphin, estonné de la cheute de ce grand Roy, donneriez bien tost de la teste contre les escueils des ruines du Pere: Mais comme il a veu que vous auiez le Ciel pour protecteur, & les cœurs de tant de braues Princes pour forteresse; il a ce traistre par tous moyens tasché de corrompre la fidelité de vos subiects, & rompre ce mur d'airain seul apuy de vostre Estat, par la mort & ruine de ceux qui ont l'honneur d'estre issus de vostre noble Sang, & autre Officiers de vostre Couronne, prenant son subiect sur ce qu'ils succedoient à la haine irreconciliable que ce grand Henry auoit cōtre luy aussi bien qu'en la gloire de son courage, & parce que ces maximes d'estat colorent ses pernicieux desseins, & ses as-

assassins de quelque beau pretexte: il a re-
 cherché comme vn moyen extremement
 plausible, l'honneur de vostre Alliance,
 vous a demandé pour gendre, au lieu que
 l'honneur l'obligeoit de faire demander
 sa Fille, & non de la faire offrir en espe-
 rance que tous ces bons & fides Fran-
 çois s'opposeroient à ce dessein, que vos
 Princes, & vos bons parens comme inte-
 ressez en vostre ruine releueroient ce def-
 faut & par ainsi qu'il mettroit ce grand
 Empire en diuision, authoriseroit vne
 guerre Ciuille, & par ce moyen triomphe-
 roit facilement des despoüilles de vostre
 gloire & de vostre grandeur: & a si aduä-
 tageusement aduancé son pernicieux de-
 sein, que vous estes à la veille de veoir
 iouer sur le Theatre de ceste desolée Fran-
 ce les plus tragicques spectacles qu'on
 aye iamais veu; & danger si vous ne fai-
 tes le Roy; si vous ne distinguez les bons
 parens d'auec vos ennemis, & ne fou-
 droyez les Autheurs de vostre misere,
 qu'on ne vous passe la plume par le becq,

& qu'en Forgeron on ne vous chasse,
 comme les Dieux chasserent Vulquan le
 Forgeron du Ciel, ha Sire; ie suis trop bô
 Nauarois & trop zelé au bien de vostre
 seruice pour ne contribuer du ressentiment,
 aux pleurs, & aux larmes; que vos
 pauvres subiects espandent à ondes sur
 la desolation de vostre Royaume, & sur
 l'oppression qu'on dresse à vostre bas-aage:
 ainsi Sire, le cul sur la scelle, & lespée
 en main, comme fist ce braue Alexandre
 en ce mesme aage que vous auez, battons
 en forgerons, en genereux Athletes le
 dos de vos ennemis, escriuôs de leur sang,
 vostre paix; & par leurs plaies donnons
 iour à la gloire de votre courage: hé quoi,
 Sire, apésent, & en vn aage ou vos prede-
 cesseurs n'ont voulu autre chef de leur
 Conseil qu'eux mesmes, & en vne occa-
 sion qui regarde ou l'affermissement de
 vostre grandeur, ou l'affoiblissement
 & ruine entiere de vostre Couronne,
 vous n'aurez pas voix en Chapitre, vous
 ne direz pas en Roy ie le veux: Mais per-

mettre qu'on vous donne vostre leçon par escript : qu'on vous cache l'Estat de vos affaires ; qu'on ne vous demande vostre aduis ; Ha, Sire, quel mespris commit on contre le merite de vostre qualité : vous faire déclaré Maieur, serez néanmoins sous la ferule d'autrui ? n'aurez de volonté que celle d'un Conseil pernicieux, qui est auprès de vostre Majesté. Et que diront les Princes estrangers ? qu'elle opinion auront ils de vostre iugement & de vostre courage ; ne refusez vous point c'este viguer qui anime les Roys d'un esclans au delà du commun, qui leurs inspire des le berceau un ame parfaitement sçauante & cét aiguillon d'honneur, & c'este pointe de courage qui picque leurs cœurs au premier iour de leur naissance, comme l'Espine Royale de Babilone qui germe le propre iour qu'elle est antée, ha ? Sire, nous voicy en un temps, ou vous pouuez, & deuez signaler vostre vertu ; vostre courage, & l'amour que vous deuez à la memoire de

vostre Pere; Nous voicy arriuez à ceste feste des Perſes, qu'ils appeloient la mort aux vices : voicy le iour qu'il faut par la mort des traistres de vostre Estat, des homicides de vostres Pere, des voleurs de vostre peuple, venger la mort de vostre bon Pere les asſaſſinas qu'on entreprend contre vos Princes : Et affermir vostre vie sur les ruines de ces perfides : C'est aujourdhuy Sire, que le masque est leué, qu'on voit les registres de Parlement, l'audition si long-temps cachee de Rauaillac, les menees qui se sont faictes chez la damoyſelle du Tillet, les memoires qu'elle a donné de ce Cameleon qui est aupres de vostre Majesté, qui vallette si bien, & qui fait tant le zelé. C'est aujourdhuy qu'on voit à plain iour la verité de l'accusation de la femme qui a accusé ce saint Hermitte, ce bô gascon. C'est aujourdhuy qu'on ſçait au vray, les desplorables actions d'un Conchine, d'un Chancelier, & de leurs adherans; & c'est aujourdhuy que ces traistres pour eluder

vne iuste vengeance de leurs crimes, vous
 cornent la guerre, calomniét vostre cher
 Cousin, & n'ont d'haleine, de voix ne de
 poulmon, que pour le perdre : Parce
 qu'il à publié leurs vies, & qu'il veut ce
 bon Prince autoriser vostre Iustice, &
 affermir vostre gloire & vostre grandeur:
 Puis donc, Sire, que le Ciel irrité de tant
 de crimes veut estre appaisé par vn sacri-
 fice solennel, & public du sang de ces trai-
 stres, & qu'il veut que vostre iustice l'es-
 panche? voudriez-vous contreuenir aux
 volontez du Ciel, seriez-vous si desnatu-
 ré Enfant, que desnier vne si pie venge-
 ance à l'ame de vostre Pere: si peu affe-
 ctionné aux repos de vostre pauvre peu-
 ple, & si ingrat (pardon Sire) à l'endroit
 de vostre cher Cousin, de payer son affe-
 ction de rigueurs, de vous esleuer contre
 luy l'espée au poing, parce qu'il veille à la
 conseruation de vostre Estat & de vostre
 repos, & de consentir aux sang & au car-
 nage de vos subiects, pour proteger l'im-
 pugnité de ceux qui sont ennemis de vo-

stre Estat, & de vostre Couronne: Et qui ne chantent la guerre, que pour séparer de vos forces, & par apres mettre & vous & vostre Mere, & les Princes de vostre Sang enfermez en vn cloistre: comme ils vouloient faire du temps d'Henry troisieme! Ha Sire, cest vn dessein basty de longue main, commencé par la mort de vostre bon Pere, & aduancé par les menées que l'Eglise à faict à ces Estats generaux pour faire releuer le temporel de vostre Royaume, de son autorité: cela est trop cogneu qu'on à iuré la ruine entière des Bourbons, Hé! qui ne le voit qui ne le chante, qui n'en crie, qui n'en pleure, vous le verriez, Sire, comme nous plain de trahyson, vous verriez ce monopole si ces Criminels, qui president à vostre Conseil, & qui se couurent de vostre autorité, estoient deposez de ces charges & mis entre les mains de la Iustice? vous verriez des glorieux & genereux effectz, si vous autorisiez le soing, Et le zele de vostre Cousin, & de tous ces bons & si-

delles François, qui ne respirent que la
 gloire de vostre seruice; Mais aussi, Sire,
 ie vous viens protester que si vous n'estes
 sensible à douleur que tous vos subiets
 ont de la mort de vostre Pere, pitoiable
 aux maux qu'on nous prepare, & si vous
 ne recueillez nos l'armes, que le Ciel aussi
 en coup d'aduersité vous engagera en
 nostre misere & que la hautesse de vostre
 condition ne seruira que pour d'autant
 plus vous rendre sensible à la douleur, &
 vous faire tomber de plus haut; ainsi Sire,
 leuons les yeux au Ciel, demandez luy sa
 grace, croiez moy il vous esclaire parmy
 la nuit de ces pernicieux desseins marche-
 ra deuant vous en bon genie cômme Pallas
 marchoit avec vn flambeau ardent deuant
 Diomede, pour le preseruer des dangers
 de la mort: rangez-vous du costé de vos
 proches obligez, la Reyne deceuë des ca-
 resses de ces Crocodrilles, de fermer l'o-
 reille aux Conseils de vos ennemis? Et de
 prendre la glorieuse brissee de ceux qui
 ont part à l'Estat: Et tous deux vnanime-

ment & en particulier, balancez l'intereſt des affaires qui ſe preſentent: Conſiderez ſans paſſion. S'il ne vaut pas mieux, que des paricides: & des traîtres ſoient punis par les voyes de Juſtice: que de permettre vne guerre Ciuille pour les mettre à l'abry: de tout temps, Sire, les Princes & les Roys ont eſté ialoux, que la Juſtice feust également renduë afin de ſe conſeruer le tiltre de juſte hereditaire de voſtre nom & qu'on ne leur reprochaſt ce dont Lyartas Capitaⁿ general des Atheniens, ſe pleignoit à Appius conſul des Romains, d'eſtre iniuſtes: & certainement toute la grandeur des Roys, conſiſte en ce tiltre de juſte puis qu'ils ne ſont eſtablis que pour ce ſubieſt: comme dit Herodote, parlant des Medois. Et Ageſilaus ſe plaignant de l'iniuſtice du Satrape des Perſes diſoit, en quoy eſt-il plus grand que moy, S'il n'eſt plus juſte: ainſi, Sire, ſi vous voulez conſeruer la grandeur de ceſt Eſtat & l'aduantage qu'il à eu ſur toutes les Monarchies de la terre. Conſeruez ce tiltre

de iuste, embrassez la Iustice, chastiez le vice & recompensez la vertu, & ne nous reslancez en l'honneur de nos confusiós, ne remettez és mains le fer, & le feu, & ne changez les plaisirs d'une douce paix en amertume de mal-heurs, & une douce vie en une viuante mort : Autrement à Dieu, ie dis à Dieu à nostre gloire, & à nostre grandeur.

Et d'autant, Sire, que ie voy que toutes les Prouinces de ce Royaume, la l'arme à l'œil, & le soupir au cœur du souuenir de l'assassinat de vostre Pere, presenteront aux pieds de vostre Majesté, une tres-humble supplication de leur faire Iustice, ie viens tout deploré de la part de la Mere de ce grand Roy, ie veux dire de la Nauarre, de ce Royaume qui à tant perdu en sa mort, & qui en ressent tant de douleur, qu'il ne peut trouuer d'allegement qu'en la mort des ministres de c'este cruauté, vous suplier aussi tres-humblement de permettre qu'elle se rédepatie contre le Duc d'Espéron & au-

tres ses' adherans, qu'elle nommera en
 temps & lieu, & d'autant, Sire, que les
 plaintes qu'une Mere fait de la mort de
 son fils, trouuent tousiours de la fa-
 ueur, & de la compassion: Et que d'ail-
 lieurs vous ne pouuez refuser ce charita-
 ble office, sans estre iustement accusé de
 mauuais naturel, ce que ie ne puis croire
 nous reposons nostre consolation en la
 Iustice de cét horrible crime, & sommes
 asseurez de leur autant de trophées de
 ceste victoire, que nous auons dressé des
 Mansoles & des tombaux à l'honneur de
 ses cendres, & comme nous luy deuons
 la gloire de la conseruation de nos fortu-
 nes & de l'asseureté de nos vies, aussi pour
 n'estre ingrats en ceste partie, ie vous
 viens protester, que tous les Nauarois au
 premier fanfare de trompette, se rallie-
 ront avec vostre Cousin avec ce bô Prin-
 cc, & porteront leurs vies pour la venge-
 ance de ce crime, pour le bien de vo-
 stre seruice & affermissement de vostre
 Estat & de vostre Couronne.

